

Universitätsbibliothek Paderborn

**Sancti Bonaventvræ Ordinis Minorum, S. R. E. Cardinalis,
Episcopi Albanensis, Seraphici Doctoris Ecclesiæ, De Vita
S. Patris Francisci, Liber I.**

Bonaventura <Sanctus>

Antverpiæ, 1597

S. D. N. Gregorii Papæ IX. Diploma, Quo B. P. Franciscum adscribit
catalogo Sanctorum.

urn:nbn:de:hbz:466:1-41460

S. D. N. GREGORII PAPÆ IX.

DIPLOMA,

*Quo B. P. Franciscum adscribit catalogo
Sanctorum.*

Per. Ra.
dul. 1.
Histor.
Seraph.
Religio-
nis.

Gregorius Episcopus seruus seruorum Dei,
venerabilibus Fratribus Archiepiscopis, Epi-
scopis; & dilectis filiis Abbatibus, Prioribus,
Archipresbyteris, Archidiaconis, Decanis,
& aliis Ecclesiarum Prælatis, ad quos litteræ
istæ peruererint, Salutem & Apostolicam
benedictionem.

⁴ Apoc.
f. 8.



I C V T phialæ aureæ, quas vidit
Ioannes plenaes odoramentorum,
que sunt orationes Sanctorum
in conspectu Altissimi, ad abolen-
dam nostrorū criminum corrupte-
lam, odorem suavitatis emittunt: ita saluti nostræ
credimus plurimum expedire, si eorum in terris ce-
lebrem habeamus memoriam, ipsorum merita sol-
lemnibus recolentes præconiis, quorum in cælis sper-
ramus intercessionibus assiduis adiunari. Sanè
cùm de conuersatione, vitâ & meritis beati Fran-
cisci, institutoris, & rectoris Ordinis fratrum Mi-

^{Mai. 19.}
^{19.} norum, (qui iuxta consilium Saluatoris, contentis
transitorius, secundum promissionem eiusdem, ad
celestia præmia feliciter, & aeterna peruenit; cuius
vita, & fama præclara peccatorum depulsâ caligi-
ne, ambulantes in regione umbre mortis, de vicio-
rum tenebris, ad pœnitentiae viam vocans, quorum
tam virorum quam mulierum, ad fidem Ecclesiæ
roborandam, & confutandam hereticam prauita-
tem, vinit & adhuc viget non modica multitudo)

E

tam

iam per vos, quam per multos alios fide dignos; quæ miracula, quæ Deus per illius sancti viri merita operatur, pleniū cognoverunt, certiores effecti; auditis etiam eius virtutibus, & miraculorum insigniis, & quod inter carnales spiritualiter, & inter homines etiam conuersationem angelicam habuisset: ipsum, qui cum Christo corporaliter meruit esse in cælestibus, (ne ipsius honori debito, & glorie detrahere videremur quodammodo, si glorificatum à Domino permitteremus ultraius, humanâ deuotione priuari) de fratrum nostrorum consilio, & Prælatorum omnium, qui tunc temporis apud Sedem Apostolicam consiliebant, Sanctorum catalogo duximus ascribendum. Cùm igitur eius "lucerna sic arserit hactenus in hoc mundo, quod per Dei gratiam, iam non sub modio, sed super candelabrum meruit collocari: uniuersitatem vestram rozamus, monemus, & attentiūs hortamur, per Apostolica vobis scripia mandates, quatenus deuotionem fidelium, ad venerationem ipsius salubriter excitantes, festiuitatem eiusdem, quarto Nonas Octobris, annis singulis excolatis, & pronuntietis constituto die specialiter excolendam: ut eius precibus Dominus exoratus, suam nobis tribuat gratiam in præsenii, & gloriam in futuro. Datum Laterani, secundo Nonas Maij, Pontificatus nostri anno quarto.

F. HEN-